


GURE AITA

BEDEINKAPENA



JOSÉ IBARROLA

# KURUZBIDEA (I)



## Oharra:

Kuruzbidea latza da. Askoren bizitza ere latza izaten da. Baina egoera honek ez dau azken-hitza. Bariku Santua ez da azkena. Barriro ere, Pazko-eguna etorriko da. Barriro ere Biztuera-eguna...

Baina bitartean asko jasan behar da. Geure bizitzako une larri guztiak jarri daiguzan Jesusen kuruzbide honetan.

Egin daigun Jesusen kuruzbide hau, geure kuruzbide guztiak eta Euskal Herriarenak harenagaz bat eginik. Jarri daiguzan Jesusen aurrean geuk kurutzeratzen doguzanak; gure gizarteak kurutzeratzen dauzanak, eta, geure erru zuzenaz ez bada ere, esplotatuak diranak, bortxatuak, bazterreratuak, gosetera eta pobreziara gaitzetsiak... Berba baten, isileko kurutzean josita dagozanak. Euren aldekoa gure otoi-tza.

## Egin daigun otoitz

Jainko ona:

bizitzea emon eta bizitzan eusten deuskuzuna.

Zerk eragiten deusku heriotzara inor eroatea?

Zure Semeak, zure maitasuna erakustearren,

zure errukiaren iragarle izatearren,

isilean egiten dau heriotzarako bidea,

aintzarik handiena balitz lez.

Zure argitasunean jarraitu deiogula

geure bizitza ere besteen alde emoten dana izan daiten.

Jesukristo gure Jaunaren bitartez. AMEN.

## 1. Egotaldia: Jesus heriotzara epaitua

† *Gurtzen zaitugu, Kristo, eta bedeinkatzen.*

—*Mundua zeure kurutze santuaz salbatu dozulako.*

**Abestia:** Pilatok agindu dau

lapurren artean

untzez gogor josteko

Jesus gurutzean.

Zure buruko koroak zure jauntasuna iragarten deusku; gure jauntasuna irrigarria dalako, eta lotsagarria, zeurea bihurtzeko lotsagarri eta irrigari ezarri badeutsue ere. Irainok ez dabe ezelan ere lausotzen edo iluntzen zurearen dirdirea.

Jauntasunean hasi eta amaitu dozu bizitza: Getsemaniko ortutik (lehen gizakia dogu hor gogoan) zure gorpua usain eder artean hobiratzen daben orturaino, zure jauntasuna Aitaren esana betetea zan. Atsekabea Getsemaniko orduan baino ez dau aitatzen zure ikasle maitak; hortik aurrera, zure jauntasuna, zure jainkotasuna itzi gura dau argi, gudariei atzeraka eraginez zure «Neu naz!» ozenaz. Hamabi bider aitatzen dau zure erregetza; galdeketetan zeuk epaitzen dozuz zure epaileak, edo kezkatzen eta lotsagarri izten.

Eta, harrigarriena, Jesus, zure jauntasuna, zure erregetza, ezerezeroa heltzen zaranean agertzen dala! Hau ulertezina, sinistezina egiten jaku. Eta horrexegaitik ahalegindu gara une hau, zure "ordua", desitxuratzen urte eta gizaldietan zehar.

Zure heriotzea ez da izan Aitaren nahia betetea baino, Idazti santuen arabera. Eta argi daukagu Aitak ez zaituna hilik gura! Handiak izan dira, eta dira izan, gure manipulazinoak: geugaitik hiltzen zarala esaten dogu, gure pekatuak garbitzeko edo ordaintzeko... Ez, Jesus: zu ez zara hil; zu ez zaitugu hil. Zure heriotzan argi geratzen da gure txarkeria, gure txikieria eta gure "neukeria"ren ondorioa, eta zure eskuzabaltasuna: bizia emonez, beste dana emon ondoren arnasea isuriz amaitzen dozu aintzan.

Biztuerea zure zintzotasunaren ondorio eta sari lez ulertu dogu. Eta ez, Jesus: ez dozu behar berbizerik, zure biziak ez daualako etenik. Hau ulertuko baneu, Jesus, ez nintzateke horrenbeste arduratuko neure bizia zaintzeaz; edo arerioak nire ingurutik ezabatzeaz; edo nire ustea gauzetan, ondasunetan eta aberastasunetan jarteaz... Jainkoa-gandik hartutako biziak etenik ez dauala-ta, bizia emoteaz arduratuko nintzateke. Zeugaz bat egingo nintzateke!

Baina asko daukat oraindino horraino heltzeko. Ordu asko emon behar dodaz, Jesus, zure kurutzeari begira guzti hori neuretzeko... Ez daidala, ba, amaitu Kuruzbidea hemen, zu bakarrik itziz kurutzean. Haren oinetan agertzen diran zure Ama, ikasle maitea eta beste emakumeekaz batera neuk ere osotu daidala han hasi zan Elizea.

14. Egotaldia: Jesus hilobian jarria  
† *Gurtzen zaitugu, Kristo, eta bedeinkatzen.*  
—*Mundua zeure kurutze santuaz salbatu dozulako.*

**Abestia:** Hobira dabenean  
Jaunaren gorputza  
itxaso samina da  
amaren bihotza.

**OTOITZA:**

Zure hobiratzeaz dana amaitu da.  
Hori uste eben nagusiek, agintariek  
eta baita zeure lagunek ere:  
batzuen pozerako, besteen atsekaberako.  
Baina zугan iraun dirau biziak,  
bizia bera zaralako  
eta geugan ere iraun daike  
geugan isuri dozulako.  
Sinistu daidala, Jauna, bizi izan naiten!

AMAIERA

Amaitu dot Kuruzbidea, Jesus. Heldu naz Golgotaraino zeugaz batera, eta gogoan izan dodaz nire inguruko kurutzeratuak. Baina ze- ozerk dinost ez dodala amaitu otoitza, zeuri begira geratu behar doda- la, orain artekoa neuk nekiana izan dalako, eta zuk esan gura deusta- zuna entzun ez dodalako. Zeozerk dinost zeuri begira geratu behar dodala, zeuri begiratzen, zeuri entzuten, zeuk isurten dozun biziaz bizi izaten...

Besoak zabal agertzen zara, Jesus, gu guztiok zeure bihotz gaine- an estu-estu hartu gura izango baginduzuz lez. Bihotz horren taupade- tan hausnartu gura dot zure ikasle maiteak nekaldiaren kontakizunean dinoana.

Era harrigarrian agertzen zaiakuz han: zeurea da beti ekimena; zeuk agintzen dozu, galdetzen, baieztatzen, emoten: jaun eta jabe agertzen zara.

**OTOITZA:**

Eskerrik asko, Jauna, zure maitasunagaitik,  
heriotzarainoko leialtasunagaitik.  
Irakatsi eiguzu, zure antzera bizi izaten,  
Zeurea lango maitasunez maitatzen,  
zeure leialtasunez bizi izaten.  
Errege bizi zara ta gizaldi eta gizaldi guztietan.

2. Egotaldia: Jesus kurutzeak zamatua  
† *Gurtzen zaitugu, Kristo, eta bedeinkatzen.*  
—*Mundua zeure kurutze santuaz salbatu dozulako.*

**Abestia:** Sorbaldean harturik  
Kurutze astuna  
hiltzera orain doa  
Jesus gure Jauna.

**OTOITZA:**

Ondo dakizu, Jauna, ze astun egiten jakun  
geure bizitzako kurutzeak eroatea.  
Nahiago izaten dogu besteei leporatzea,  
errua inoren lepora jaurtitzea,  
edo besteen kurutzeei ez-ikusia egitea.  
Eta zu geure aurretik zoaz geure kurutzea hartuz  
eta jarraitu deizugula eskatzen.  
Ez zaidazala, Jesus, bakarrik itzi.

3. Egotaldia. Lehenengoz jausten da lurrera  
† *Gurtzen zaitugu, Kristo, eta bedeinkatzen.*  
—*Mundua zeure kurutze santuaz salbatu dozulako.*

**Abestia:** Lurrera jausiten da  
Jesus nekaturik  
jasoten laguntzeko  
ez da errukirik.

**OTOITZA:**

Lurrera jausi zara! Lur jo dozu!  
 Baina ez zara bertan gelditzen.  
 Ez dozu inor erruduntzen.  
 Beheratu egin zara  
 eta zeure makaltasunak onartzen dakizu.  
 Argi dozulako maite zaitula Aitak  
 eta indartzen zeure makaltasunean.  
 Ai onartuko baneuz neure makaltasunak  
 inori leporatu beharrean...!

4. Egotaldia: Jesus eta bere Ama aurrez aurre.  
*† Gurtzen zaitugu, Kristo, eta bedeinkatzen.*  
*—Mundua zeure kurutze santuaz salbatu dozulako.*

**Abestia:** Agertzen jako Ama  
 negarrez bidean,  
 Ai zer samintasunak  
 bien bihotzean

**OTOITZA:**

Astuna zan zuk zeroian kurutzea...  
 Eta zelangoa ezarri zendun amaren bizkarrean?  
 Zelan eroango ete eban  
 Semea halango itxuran ikustea?  
 Hortxe ikusi daiket, Jauna,  
 zenbat kaltetu daikezan nire epelkeriak.  
 Neure samin eta kurutze bihurtuko dodaz, bai,  
 hain gogor astinduak diran  
 ama guztien negar-saminak.

5. Egotaldia: Jesusi laguntzera behartzen dabe Zirinearra  
*† Gurtzen zaitugu, Kristo, eta bedeinkatzen.*  
*—Mundua zeure kurutze santuaz salbatu dozulako.*

**Abestia:** Gurutzean jasota  
 minez aseturik  
 hil da Jesus maitea  
 gure onagaitik.

**OTOITZA:**

Heldu zara helburura, Jesus, heldu da "ordua".  
 Ulertuko ete dot dana emon dozula,  
 ez dozula ezer gorde zeuretzako  
 maitasuna besterik erakutsi ez dozulako?  
 Heriotzea bera dozu aintza, ez dozu beste beharrik,  
 bizitza emon dozulako aurkitzen dozu beterik,  
 Aitaren isiltasunean besarkaturik. Gora zu!

13. Egotaldia: *Amak hartzen dau besoetan Jesus*  
*† Gurtzen zaitugu, Kristo, eta bedeinkatzen.*  
*—Mundua zeure kurutze santuaz salbatu dozulako.*

**Abestia:** Semearen gorputza  
 jetsi dabenean  
 ai zer ezpata daukan  
 Amak bihotzean.

**OTOITZA:**

Hilotz, gorpu, amaren besoetan.  
 Irudi hori ikusi gura dot, beste aldera begiratu barik,  
 gosez hiltzen diran ume guztien amengan,  
 gerrarako, mehatagietarako, erabilten diran  
 edo bortxatuak diran umeen amengan...  
 Baina hain ikusten ditut urrun...!  
 Eta zuk danekaz egin zendun bat,  
 eta guztiok garozuz zeure bihotzean.

**OTOITZA:**

Zu bilozik ikusteak, Jauna,  
 neu lotsatzen nau, eta beste aldera begiratzen dot.  
 Eta horixe egiten dot  
 esplotazinoaren eta bortxakeriaren aurrean ere  
 kontsumitzaile hutsa agertzen nazanean  
 etekinik handiena lortu gura dodanean...  
 Hain gatz egiten jat ingurutik askatzea  
 eta Jainkoari zintzo izatea...!

11. Egotaldia: Jesus kurutzean josten dabe  
 † *Gurtzen zaitugu, Kristo, eta bedeinkatzen.*  
 —*Mundua zeure kurutze santuaz salbatu dozulako.*

**Abestia:** Gurtzean josi dabe  
 zanak urraturik  
 hezurak askatuaz  
 bere giltzetatik.

**OTOITZA:**

Neuk min hartzen dot, Jesus,  
 mailukada bakotxaren zarateaz,  
 eta min hartu gura izango neuke  
 gosez dagoen ume bakotxaren negarraz  
 edo aurrean erabilia dan emakumearenaz  
 edo esplotatua dan herrialde bakotxarenaz...  
 Baina horretarako, neure buruaren zaintzatik  
 behartsuaz errukitzera jatsi behar dot... jatsi!

12. Egotaldia: *Jesus kurutzean hiltzen da*  
 † *Gurtzen zaitugu, Kristo, eta bedeinkatzen.*  
 —*Mundua zeure kurutze santuaz salbatu dozulako.*

**Abestia:** Simon Zirinetarra  
 hartzen dabe lagun,  
 Kurutze eroaten  
 ikasi dezagun.

**OTOITZA:**

Behartu egin geinkez beste bati laguntza emoten,  
 eta zelan eskertuko leuken laguntza hartzen dauanak!  
 Beharrizanak, ba, alkarganatu egin geinkez,  
 ez daiguzan gitxitzat jo.  
 Prest nengoke, Jesus, zure zirinear izateko...  
 Ba, entzun daidala behartsuen garrasia  
 eta hartu daidazala aintzat  
 euren artean lanean diharduenak.

6. Egotaldia: *Jesusi arpegia garbitzen deutso Beronikak*  
 † *Gurtzen zaitugu, Kristo, eta bedeinkatzen.*  
 —*Mundua zeure kurutze santuaz salbatu dozulako.*

**Abestia:** Pekataria nun da  
 zure errukia  
 Jesusi garbitzeko  
 malkoz arpegia.

**OTOITZA:**

Errez-errez zikintzen dogu inoren izen ona  
 geurea ez ikustearren zikinduta:  
 zelan darabilguzan agintariak edo nagusiak,  
 edo gizartean, lanean... arduradun diranak.  
 Beronikaren lana izan daitela nirea, Jesus,  
 neure buruaren kaltetan bada ere  
 beste edozeinen izen ona garbitzen ahaleginduz.

7. Egotaldia: Bigarrenez jausten da Jesus  
† *Gurtzen zaitugu, Kristo, eta bedeinkatzen.*  
—*Mundua zeure kurutze santuaz salbatu dozulako.*

**Abestia:** Ludiko pekatuen  
astunaren haundiz  
gurutzepean Jesus  
jausiten da barriz

**OTOITZA:**

Atsekabera garoaz, Jesus, zu jausita ikusteak  
eta edozer egingo geuke zu jasoteko eta zuri laguntzeko...  
Ez ete gara konturatuko zenbat eta zenbat,  
eta ez hain urrun, geure artean baino  
dagozan jausita, hilaren azkenara heldu ezinik,  
edo izen ona galduta,  
edo gogorkeria ta bortxakeria jasaten...?  
Izan naitela gauza, Jesus,  
egoera guztiotara nire begiak zabaltzeko  
eta nire eskuak, laguntzaile, luzatzeko.

8. Egotaldia: Jerusalemgo emakumeak negarrez.  
† *Gurtzen zaitugu, Kristo, eta bedeinkatzen.*  
—*Mundua zeure kurutze santuaz salbatu dozulako.*

**Abestia:** Jerusalemgo alabak  
ez Niri negarrik,  
negar egidazue  
pekatuagaitik

**OTOITZA:**

Bihotz samurrekoak dira emakumeak  
eta bihotza hunkitzen deutse zure nekeak.

Baina zuk ez dozu behar inoren negarrik  
danek ikusi daiela baino  
zein leiala zaiakozan Aitari.  
Gatx egiten jat, baina leial izan nahi dot  
bizitza bera baino ere maiteago izanaz leialtasuna,  
mundu honetako bazterreratuen gaineko nire negarra  
benetakoa izan daiten, ez azalekoa.

9. Egotaldia: Hirugarrenez jausten da Jesus  
† *Gurtzen zaitugu, Kristo, eta bedeinkatzen.*  
—*Mundua zeure kurutze santuaz salbatu dozulako.*

**Abestia:** Hainbeste neke-minez  
ahul eginik Jauna  
hirugarren aldian  
emen jo dau lurra.

**OTOITZA:**

Bildur deusat jausteari, Jauna,  
ingurukoen barreak jasan behar izango dodazalako,  
neure burua zaindu nahian dihardudalako.  
Zuri ez deus ardua, Aitari leiala izateak baino,  
eta, behin eta barriz jausten bazara ere  
hainbestetan jagiko zara. Eta parkamena isuriko dozu  
Aitaren errukiaren testigu izanik.

10. Egotaldia: Jesus bilutsik jarten dabe  
† *Gurtzen zaitugu, Kristo, eta bedeinkatzen.*  
—*Mundua zeure kurutze santuaz salbatu dozulako.*

**Abestia:** Ludiaren aurrean  
jantziak kendurik  
hor dago Jesus ona  
oso lotsaturik.